

S 聖經故事

ENG-KENG KO'-SU





聖經故事

ENG-KENG KO-SU

江苏工业学院图书馆
藏书章

SÈNG-KENG KÒ-SŪ

聖經故事

台灣教會公報社／編



社長／張立夫

出版／教會公報出版社 局版台業字第509號

<http://www.pctpress.com.tw>

E-mail:book@pctpress.com.tw



發行代理／財團法人台灣基督長老教會台灣教會公報社

地址：台南市 701 青年路 334 號

電話：06-235-6277#122 傳真：06-235-6287

承印者／財團法人台灣基督長老教會台灣教會公報社



2007年04月 初版

產品編號／01110194

定價／140元



本書曾於1954年由台灣教會公報社印

尊重智慧財產權，請勿翻印

缺頁或破損的書請寄回更換

SÈNG-KENG KÒ-SU

SIN-KŪ-IOK

Tâi-oân Kàu-hōe Kong-pò-siā ìn.

SÈNG-KENG KÒ-SŪ

1954

Tâi-oân Kàu-hōe Kong-pò-siā in.



Kai-ún kap A-pek

Kék kó·chá Siōng-tè chhòng-chō sè-kài, iáh pī-pān chin súi ê Ai-tiân ê lók-hng tī hit lāi-bīn.

Siōng-tè hō· thau chit ê lāng A-tong lāi koán-lí chit ê lók-hng, koh chiong chit ê hū-jîn-lāng Hā-oa hō· i chò bó·. In chin khoài-lók tiàm tī chit ê súi ê só·-chāi, kàu ū chit jít, hō· Sat-tán chhì, in sòa bô thiaⁿ-thàn Siōng-tè.

In-ūi án-ni, siū kóaⁿ chhut lī-khui in khiā-khí ê só·-chāi.

Liáu-aū kòe bô jōa kú, nng-ê gín-á chhut-sì tī chit ê ka-tēng, a-hiaⁿ kiò chò Kai-ún, sió-tī kiò chò A-pek. In chò gín-ná ê sí-chūn ún-tàng bat thiaⁿ-kìⁿ chin chē sim-sek ê kò·-sū, lūn-khí Siōng-tè ê sū, Ai-tiân lók-hng ê sū kap pát-mih kī-koài ê tãi-chì. Kai-ún tōa-hàn chò lōng-hu, A-pek tōa-hàn chò bók-chiá.

Ū chit jít, in lóng kàu Siōng-tè ê bīn-thau-chēng beh hiàn-chè, ài Siōng-tè sià-bián in ê chōe. Kai-ún tòa chhân-nih ê thó·-sán chò lé-mih ; A-pek tui iūⁿ-kūn tiong keng chit chia^h iūⁿ-á lāi hiàn hō· Siōng-tè. Kai-ún khò i ka-kī tióh-bôa só· siu-sēng ê lāi chò lé-mih, só·-í Siōng-tè bē thang kā i kàm-láp. A-pek ūi-tióh i ê chōe, chiū hiàn chit chia^h bô hā-chhū ê iūⁿ-á thè i sí, Siōng-tè chiū koán-kò· i kap i ê lé-mih.

Kai-ún tui án-ni siū-khì, sòa thāi-sí i ê sió-tī. Lán tióh chai ū Chit ê teh khòaⁿ tak-hāng tãi-chì--ê, I ū khòaⁿ-tióh chit hāng thang kiaⁿ ê só· chò. Sī lah, Siōng-tè tak hāng khòaⁿ-kìⁿ, I khòaⁿ-tióh chit ê thau chit pái ê thāi-sí lāng, chiū hēng-hoát Kai-ún, hō· i sì-kè cháu, chò phiau-liū tī tē-bīn-chiūⁿ ê lāng. Chhin-chhiūⁿ teh tô-cháu siám-pī sím-phòaⁿ ê lāng chit-iūⁿ. Kai-ún kàu lī-khui Siōng-tè ê bīn-chēng ê sí, chhim chai i ê pháiⁿ-só·-kiāⁿ chin tōa, tì-kàu bē kham-tit siū sià-bián. Iáu-kú Siōng-tè hó khoán-thāi Kai-ún, bô hoaⁿ-hí sím-mih lāng lāi thāi-sí i.

Teh phû ê Tô-siám-siâⁿ

Sèng-keng kóng, Kó'-chá kó'-chá, ta-po'-lâng, cha-bó'-lâng lóng pìⁿ chin pháiⁿ, tì-kàu hō· Siōng-tè ê sim chin iu-būn. Kì-jiân kàu chiaⁿ pháiⁿ, Siōng-tè thè-hóe ; chiū tiāⁿ-tióh hō· chiaⁿ ê put-gī ê lāng siū hêng-hoát, gī ê lāng tit-tióh pó-choân. Ng-bāng thang hō· sè-kài koh tit-tióh sin ê khí-thâu. Tī hit sí, tē-bīn-chiūⁿ chí-ū chit ê gī-lāng, Lô-a nā-tiāⁿ. Só'-í Siōng-tè ká i kóng I teh-beh chò chit ê pì-bit ê tãi-chì hō· i chai.

Chiū-sī Siōng-tè beh ēng tōa-chúi húi-biát it-chhè ê oáh-mih, lāng kap cháu-siū, thāng-thōa, poe-chiáu. Siōng-tè ká Lô-a kóng, Lí tióh chò chit chiaⁿ tōa-chūn, chūn beh phû tī chúibīn, tiām chūn-lāi chiū i kap i ê ke-koàn lóng beh tit-tióh pó-choân. Lô-a thiaⁿ-kìⁿ chiaⁿ ê ōe, sui-sī chin kī-koài, m̄-kú Lô-a ū sìn Siōng-tè, iáh chiáu Siōng-tè ê ōe khi chò. Bān-bān ná teh sēng chit chiaⁿ tōa-chūn ê khoán-sit ê sí, bô-lūn lâm-lú, hit sí ê lāng nā siūⁿ kóng beh lóh tōa-hō·, sòa ài chhiò, iáh chhiò chit ê teh soan-thoân chò chūn ê lāng ê gū-gōng.

Taⁿ tōa-chūn lóng chò hó lah ! Ták bāng oáh-mih cheng-siⁿ iā jip tī chūn-lāi pài hó-sè, Siōng-tè iā poaⁿ-chhiáⁿ Lô-a kap i chit ke ê lāng lóng jip tōa-chūn, koh Siōng-tè hō· chūn-gōa ê cheng-lāng iáu ū chhit jít kú thang sìn Lô-a só' thoân Siōng-tè ê ōe. Jiân-aū chin-chiáⁿ sì-cháp jít, sì-cháp mê, thiⁿ lóh tōa-hō·, tē chhut chúi-chôaⁿ. Móa chit nī aū, chūn khòa tī A-láh-liáp soaⁿ, Lô-a kap i ê ke-koàn chiū chhut tōa-chūn kàu tī ta-tē. In choân-ke lóng tit-tióh pó-choân sìⁿ-miā, in-ūi Lô-a jiát-sim sìn-khò Siōng-tè.



IMBROCCO

A-pek-láh-hán kap Í-sat

A-pek-láh-hán sī Siōng-tè ê pêng-iú, i sìn Siōng-tè só· kóng ê oe. Tng i kap i ê hū-jîn-lâng Sat-láh nî-lâu ê sī, in iā sìn Siōng-tè só· èng-ún ê iok beh hō· in seⁿ chit ê kiáⁿ, kó-jian kàu sī chiū seⁿ Í-sat. Gín-á chiām-chiām tōa, chiāⁿ-chò chit ê siáu-liân lâng ê sī, Siōng-tè tùi A-pek-láh-hán kóng, “Lí tòa lí ê kiáⁿ, chiū-sī lí tē-it thiàⁿ ê Í-sat, hiàn i chò sio-chè hō· Góa.....” Che sī tùi A-pek-láh-hán ê sìn-sim chit hāng ê chhì-giām.

Tī Siōng-tè só· tiāⁿ-tióh ê chit chá-khí, lâu-pē kap kiáⁿ chá-chá khí-lái, tòa nng ê lô·pók chò tìn khí-sin beh khi hiàn-chè ê só·chāi Mô·lí-a soaⁿ. In kàu soaⁿ-kha ê sī, chiū lâu lô·pók kap lū tī aū-bīn, kan-ta A-pek-láh-hán kap Í-sat chiūⁿ soaⁿ khi nā-tiāⁿ. In saⁿ-kap kiāⁿ ê sī, siáu-liân lâng ū chit ê gī-būn bē beng-pék, m-chai “Hiàn-chè ê iūⁿ-á tī tá-lóh.” Tùi chit hāng A-pek-láh-hán chin gâu òn-tap kóng, “Siōng-tè beh ūi I ka-kī pī-pān iūⁿ-á.” I sìn-khò Siōng-tè.

Taⁿ in kàu soaⁿ-teng, chè-tōaⁿ pī-pān hó, chhâ iah thiáp hó-sè, lô·bóe chiong Í-sat khng tī hit teng-bīn. Í-sat tióh chò chè-mih, bô siū thâi bē soah-tit? Lâu-pē chiū kiáh to khí-lái? Nā-sī tī beh hē chhiú lóh-khì ê tãi-seng, tùi thiⁿ ū siaⁿ kóng, “M̄-thang tī chit ê gín-á ê sin-chiūⁿ hē chhiú.....in-ūi Góa taⁿ chai lí sī keng-úi Siōng-tè.” A-pek-láh-hán kiáh bák khòaⁿ sì-úi, khòaⁿ-kìⁿ chit chiaⁿ iūⁿ-káng, chiū liáh hit chiaⁿ iūⁿ hiàn-chè, lái thè Í-sat.

Liáu-aū in chiū tng-khì in tau, A-pek-láh-hán liáh chò Siōng-tè tùi sí-lâng tiong hō· i chit ê kiáⁿ koh-oáh. Siōng-tè sí-siōng iáh beh sù-hok hō· kìⁿ-nā sìn-khò I ê lâng.



Í-sat kap Lī-pek-ka

A-pek-láh-hán chin lâu ê sí, i ũ khng chin tōa ê ñg-bāng, ài i ê kiáⁿ Í-sat tui i pún só'-chāi ê lāng ê tióng-kan tit-tiòh chit ê hū-jîn-lāng chò bó'. In-ūi án-ni, i chiū kiò chit ê chīn-tiong ê lô'-pók lái, chhe i khì chhōe chit ê lú-chú thang hō' Í-sat chò bó'. Che sī chin kī-koài ê chhe-kah, chóng-sī bô-lūn án-chóaⁿ, lô'-pók ũ khí-sin ñg A-pek-láh-hán chhut-sì ê tē Bí-só'-pho-tāi-bi khì.

Chit ê lô'-pók iū-goân ũ chhin-chhiūⁿ i ê chú-lāng hit khoán sìn-sim, in-ūi i kiáⁿ kīn A-pek-láh-hán ê pún só'-chāi ê chng-siā hit sí, i kī-tó Siōng-tè tiòh ín-chhōa i lái tú-tiòh chit ê chin hó ê siāu-liân cha-bó'-lāng. I chiū chē tī chng-siā ê kó'-chíⁿ pīⁿ, hit sí ũ chit ê miā kiò Lī-pek-ka ê lú-chú chhut-lái, tui chit ê lô'-pók chin hó khoán-thāi. Tī teh kóng-ōe ê tióng-kan, Siōng-tè hō' lô'-pók chai-iaⁿ chit ê chiū-sī beh chò Í-sat ê sin-niū ê.

Lô'-pók chiū khì Lī-pek-ka ê chhù, chiong Í-sat ê lé-mih sàng hō' in. Jiân-aū lô'-pók ũ kap cha-bó'-gín-a ê pē-bó í-kip ke-lāi ê lāng kóng chē-chē ōe, liáu-aū chiū m̄ng cha-bó'-gín-á Lī-pek-ka khòaⁿ i ũ hoaⁿ-hí kap lô'-pók chòe-tīn khì, thang chò iáu-bōe sio-bat ê Í-sat ê bó' á-bô? Lī-pek-ka òn kóng, "Góa beh khì." Iā m̄-bián koh m̄ng sím-mih. Lī-pek-ka chiū koat-tēng i só' keng ê.

Kiám-chhái sī Í-sat ê lô'-pók só' kóng ê ōe kap tui Í-sat hia tòa lái chin súi ê lé-mih, tì-kàu hō' Lī-pek-ka ê sim chin ì-ài iā kú káⁿ. Bô-lūn án-chóaⁿ, Í-sat kīⁿ-tiòh Lī-pek-ka chiū chin thiàⁿ i. Sī lah, Í-sat chin thiàⁿ i ê hū-jîn-lāng, in-ūi sī Siōng-tè ká in tiāⁿ-tiòh ê.

Ngá-kok kap Í-sò

Ngá-kok kap Í-sò sī Í-sat ê kiáⁿ, in saⁿ-kap chiām-chiām tōa-hàn, chit ê chiáⁿ chò khiā-khí pò·pìⁿ ê lāng, koh chit ê ài chhut-khì soaⁿ-iá phah-láh. Í-sò sī tãi-seng chhut-sì ê, eng-kai tit-tiòh tōa-kiáⁿ ê chiok-hok.

Ū chit jít, Í-sò tùi không-iá tóg-lái, in-ūi kám-kak chin iau koh chhui-ta, chiū ēng tōa-kiáⁿ ê beng-hūn bē hō· Ngá-kok, tùi Ngá-kok tit-tiòh āng-tāu-á-thng lāi chiáh. Tùi án-ni i ū sít-lóh tōa-kiáⁿ ê beng-hūn ê chiok-hok. Í-sò khòaⁿ-khin tùi Siōng-tè pún-sin só· beh siúⁿ-sù chin-sít ê chiok-hok.

In lāu-pē Í-sat chin lāu ê sī, chha-put-to bák-chiu hoe, chhin-chhiūⁿ chhiⁿ-mī. Lāu-pē kiò Í-sò lāi, kiò i phāng chit pōaⁿ i só· ài chiáh chin hó-chiáh ê iá-siū ê bah lāi hō· lāu-pē chiáh. Í-sò sūi-sī khì không-iá phah-láh, thang beh chú hō· lāu-pē chiáh. Hit sī Lī-pek-ka khì pī-pān chit pōaⁿ siāng khoán ê bah, koh chiong Í-sò ê saⁿ ká Ngá-kok chhēng, chhiú kap ām-kún ēng soaⁿ iūⁿ-á phōe ká i pau, hō· i phāng só· chú ê bah khì lāu-pē ê só·-chāi. Nī-lāu ê Í-sat siū khi-phiàn chiap-tiòh chiaⁿ ê hó-chiáh mih, chiaⁿ liáu chiū ēng tōa-kiáⁿ ê chiok-hok lāi chiok-hok Ngá-kok. Aū-lāi Í-sò tóg--lái, chin siū-khì i ê sió-tī ēng án-ni khoán-thāi i. Khiok i iū-goân iáh tit-tiòh chit ê pát khoán ê chiok-hok. Ngá-kok só· tit-tiòh ê sī khah hó ê hūn-giáh.

Taⁿ nāng ê hiaⁿ-tī kám-chēng phah pháⁿ, tì-kàu Ngá-kok tiòh lī-khui ka-tēng, kúi-nā nī kú khì ká i ê bó-kū Láh-pan chò kang, tī chia iū-goân ēng kan-kúi ê hoat-tō· teh chò. Iáu-kú Siōng-tè koán-kò· Ngá-kok, ēng i lāi chò Siōng-tè só· hoaⁿ-hí ê kang.



HMS ROCK

Iok-sek siū bē chò lô·châi

Ngá-kok chap-jī ê kiáⁿ ê tiong-kan, Iok-sek sī i tē-it thiàⁿ ê chit-ê. Kiám-chhái lán khòaⁿ i tit-tiòh lâu-pē chiong chhái-sek ê súi-saⁿ hō· i chhēng chiū thang chai-iaⁿ. Pát ê kiáⁿ khòaⁿ-tiòh chit khoán ték-piát siū lâu-pē thiàⁿ, chiū oàn-hīn Iok-sek, iā ki-chhì i. Tng Iok-sek tui in kóng-khí nng ê bāng, piáu-bēng ū chit jít i beh chò cheng hiaⁿ-tī ê chú, tui án-ni tãi-chì ná lâi ná m̄-hó.

Ngá-kok ê cheng kiáⁿ teh chhī iūⁿ, siông-siông chē-chē jít lī-khui ka-tēng, khi khòaⁿ-kò· in ê iūⁿ-kūn. Iok-sek siū lâu-pē chhe i khi khòaⁿ i ê hiaⁿ-tī ū pēng-an á-bô. Hiaⁿ-tī khòaⁿ-tiòh i lâi, in án-sùg beh kā i hāi sí. Tng hit sí tōa-hiaⁿ Liū-piān bô chàn-sēng, in chiū piàn-oāⁿ in ê kè-ék, chiong Iok-sek lok lóh ta-chéⁿ. Chín ngē-sim, chò chit ê tãi-chì liáu-aū, tú-tng hit sí ū chit tui seng-lí lāng beh khi Ai-kip, lâi kàu hit só·-chāi. Tī chia ū chit ê chín hó ê hoat-tō· thang tui chit ê chò bāng--ê khi hng-hng ê só·-chāi. In chiū bē i khi chò lô·châi ! Iok-sek chiū siū bē jī-chap ê gín.

Chiah ê pháiⁿ-sim ê lāng kàu in nī-lāu ê lâu-pē ê só·-chāi, pò· kò chit hāng bô láu-sit ê siau-sit. In thng Iok-sek hit niá chín tát-chíⁿ ê saⁿ ún soaⁿ-iūⁿ-káng ê huìh. Kàu chhū ê sí, in kā lâu-pē kóng, Goán chhōe-tiòh chit niá, bēng-bēng tui saⁿ-nih ê hoeh-jiah thang chai, Iok-sek ún-tàng bô teh oah lah. Khó-lín ê Ngá-kok sìn chit ê pèh-chhát ê siau-sit, hui-siông iu-siong, iā m̄ goān siū an-ùi.

Chiah ê lāng ê só· chò, kàu bóe iah beh lô·hiān, in-ūi chōe-ok sí-siông beh chhōe chhut lín.

Iok-sek tiàm tī Ai-kip

Ngá-kok ê sè-hàn kiáⁿ Iok-sek hō· Í-sit-má-lī ê seng-lí lāng tōa lóh-khì Ai-kip, tī i chit-sì-lāng ê tiong-kan tē-jī pái koh siū bē. Chiū-sī Hoat-ló ông ê jîn-sîn Pho-thê-hoat bé i khì. Tī chit tiong-kan Iok-sek siū thiàⁿ-thàng, iā siū oàn-hīn ; hiat-lóh kaⁿ, siū lāng bē-kì-tit i ê in-chêng; iáh kàu bóa chiāⁿ-chò hit kok ê tē-jī léng-siū. Siōng-tè tui Iok-sek ê chhui lâi ká Hoat-ló kóng-khí koan-hē i ê kok aū-jit beh pìⁿ án-chóaⁿ. Chiū-sī beh ū chhit ní hó ní-tang, chhit ní ki-hng. Ông chiū siat-lip Iok-sek koán-lí Ai-kip kok, pī-pān thang tí-hông beh lâi ê pháiⁿ ní-tang.

Chit ê ki-hng kó-jiân kàu ták só·chāi, iā kàu Iok-sek ê lâu-pē kap hiaⁿ-tī só· tōa ê Ka-lâm tē. Iok-sek ê lâu-pē thiaⁿ-kìⁿ Ai-kip ū bí-niū, in chiū kóaⁿ-kín beh lâi bé. Iok-sek ê hiaⁿ-tī thâu pái lâi Ai-kip chhoe Iok-sek, Iok-sek bô hián-chhut i pún-sin hō· in chai. Kóng oe chin giâm-hat, kóng in sī cheng-thām, koh m̄ng in chin chē tãi-chì. Kàu tē-jī pái in koh lâi Ai-kip bé bí-niū, hit-sí hiaⁿ-tī ū chhōa siōng sè-hàn ê sió-tī Piān-ngá-bín saⁿ-kap lâi, Iok-sek bô kú chiū hián-chhut i pún-sin sī sím-mih lāng hō· hiaⁿ-tī chai-iaⁿ. Hit-sí in kám-kak chin kiàn-siáu ! Kòe-khì in só· chò sī jōa-nih tui Iok-sek put-chū ! Chóng-sī Iok-sek hoaⁿ-hí sià-bián in kóng, M̄-bián kiaⁿ, che sī Siōng-tè chhe góa tãi-seng lín lâi, in-ūi beh pó-choân sìⁿ-miã tī chit ê ki-hng ê sí-chūn.

Liām-piⁿ siat-hoat lū kap chhia kàu Ka-lâm tē, poaⁿ-chhiáⁿ Ngá-kok kap ke-lāi ê lāng lóng-chóng kàu Ai-kip. Lâu-lāng chit-ē thiaⁿ-kìⁿ i só· thiàⁿ ê Iok-sek iáu teh oáh, sī hui-siōng hoaⁿ-hí ! Koh Iok-sek chē chhia chhut-khì ngiā-chih lâu-pē, hit ê koh saⁿ kìⁿ-bīn sī hô-téng ê khoài-lók ! Iok-sek sìn-khò Siōng-tè, kó-jiân tit-tiòh pò-tap.

